



Broj: 09/1-3767-UO/19
Sarajevo, 07.11.2019. godine

Shodno članu 16. Poslovnika o radu Upravnog odbora Javne ustanove "Služba za zapošljavanje Kantona Sarajevo" Sarajevo, 01-02-09/2001 od 11.07.2001. godine predsjednik Upravnog odbora

SAZIVA

7. (sedmu) redovnu sjednicu Upravnog odbora Javne ustanove "Služba za zapošljavanje Kantona Sarajevo" Sarajevo, koja će se održati u ponedjeljak, **11.11.2019. godine** sa početkom u 14:00 sati.


Mjesto održavanja sjednice je sjedište Javne ustanove "Služba za zapošljavanje Kantona Sarajevo" Sarajevo, u ulici Đoke Mazalića br. 3/III - sala za sastanke.

Za sjednicu se predlaže slijedeći:

DNEVNI RED


1. Usvajanje Zapisnika sa 6. redovne sjednice Upravnog odbora Javne ustanove „Služba za zapošljavanje Kantona Sarajevo“ Sarajevo;
2. Informacija o realizaciji zadataka sa 6. redovne sjednice Upravnog odbora Javne ustanove „Služba za zapošljavanje Kantona Sarajevo“ Sarajevo;
3. Informacija o kreditima;
4. Očitovanje na Mišljenje na Nacrt Programa rada za 2020. godinu Ministarstva za rad, socijalnu politiku, raseljena lica i izbjeglice Kantona Sarajevo, broj: 13-04/2-05-35604/19 od 21.10.2019. godine;
5. Statut Javne ustanove „Služba za zapošljavanje Kantona Sarajevo“ Sarajevo;
6. Pravilnik o internim kontrolama i internim kontrolnim postupcima u Javnoj ustanovi „Služba za zapošljavanje Kantona Sarajevo“ Sarajevo;
7. Pravilnik o blagajničkom poslovanju Javne ustanove „Služba za zapošljavanje Kantona Sarajevo“ Sarajevo;

8. Prijedlog izmjene Liste poslodavaca koji ispunjavaju uslove za učešće u Programu sufinansiranja zapošljavanja pripravnika VSS i VŠS po Javnom pozivu od 11.02.2019. godine i sredstvima iz Programa mjera za podsticaj zapošljavanja i održavanja više stope zaposlenosti u Kantonu Sarajevo u 2018. godini;
9. Prečišćeni tekst Poslovnika o radu Upravnog odbora Javne ustanove „Služba za zapošljavanje Kantona Sarajevo“ Sarajevo“;
10. Razno.



Dostaviti:

1. Ermin Silajdžić, zamjenik
2. Denita Ljuca, članica
3. Igor Kamočaji, član
4. Elvedina Sabitović, članica
5. Direktor
6. a/a.



Broj: 01-01-34- *3766* -UO/19
Sarajevo, 07.11.2019. godine

N/R UPRAVNI ODBOR

Javne ustanove „Služba za zapošljavanje Kantona Sarajevo“ Sarajevo

Predmet: Informacija o realizaciji zadataka sa prethodne sjednice Upravnog odbora

Šesta redovna sjednica Upravnog odbora održana je u utorak, 29.10.2019. godine sa početkom u 12:00 sati.

Na održanoj sjednici Upravnog odbora donesene su sljedeće odluke i zaključci:

Zaključak

1. Donosi se Poslovnik o izmjenama i dopunama Poslovnika o radu Upravnog odbora Javne ustanove „Služba za zapošljavanje Kantona Sarajevo“ Sarajevo.
2. Nalaže se Odjeljenju za pravne poslove da sačini prečišćeni tekst Poslovnika o radu Upravnog odbora Javne ustanove „Služba za zapošljavanje Kantona Sarajevo“ Sarajevo.

Realizacija: Predmetni Poslovnik je dostavljen Odjeljenju za pravne poslove i u fazi realizacije je prečišćeni tekst istog.

- **Odluku o donošenju Pravilnika o sukobu interesa Javne ustanove „Služba za zapošljavanje Kantona Sarajevo“ Sarajevo**

Realizacija: Predmetni Pravilnik je dana 01.11.2019. godine dostavljen Ministarstvu za rad, socijalnu politiku, raseljena lica i izbjeglice Kantona Sarajevo, zatim rukovodiocima Sektora kako bi svi radnici potpisali izjave koje su sastavni dio Pravilnika i objavljen je na web stranici Javne ustanove „Služba za zapošljavanje Kantona Sarajevo“ Sarajevo.

Zaključak

Nalaže se radnoj grupi koja je učestvovala u izradi Pravilnika o internim kontrolama i internim kontrolnim postupcima u Javnoj ustanovi „Služba za zapošljavanje Kantona Sarajevo“ Sarajevo da Upravnom odboru dostavi obrazloženje sa aspekta pravnog osnova za donošenje predmetnog Pravilnika na način da se decidno obrazlože članovi kojima je propisana obaveza donošenja istog.

Realizacija: Zaključak je dana 01.11.2019. godine dostavljen Radnoj grupi na realizaciju.

Zaključak

Nalaže se Javnoj ustanovi „Služba za zapošljavanje Kantona Sarajevo“ Sarajevo da pripremi detaljno izjašnjenje na Mišljenje na Nacrt Programa rada, Ministarstva za rad, socijalnu politiku, raseljena lica i izbjeglice Kantona Sarajevo, broj: 13-04/2-05-35604/19 od 21.10.2019. godine a koje se odnosi na Nacrt Programa rada Javne ustanove „Služba za zapošljavanje Kantona Sarajevo“ Sarajevo za 2020. godinu.

Također, uz traženo izjašnjenje potrebno je Upravnom odboru Javne ustanove „Služba za zapošljavanje Kantona Sarajevo“ Sarajevo dostaviti sljedeće:

- Nacrt Programa rada Javne ustanove „Služba za zapošljavanje Kantona Sarajevo“ Sarajevo za 2020. godinu;
- Nacrt Programa rada Ministarstva za rad, socijalnu politiku, raseljena lica i izbjeglice Kantona Sarajevo za 2020. godinu;
- Uredbu sa zakonskom snagom o ustanovama („Službeni list RBiH“, br. 6/92, 8/93 i 13/94);
- Odluku o osnivanju Javne ustanove „Služba za zapošljavanje Kantona Sarajevo“ Sarajevo („Službene novine Kantona Sarajevo“, br. 11/12, 29/12 i 5/13);
- Statut Javne ustanove „Služba za zapošljavanje Kantona Sarajevo“ Sarajevo (br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/2016 od 27.06.2016. godine);
- Odluku o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, br. 29/12, 11/17 i 8/18).

Rok za dostavljanje traženog je 7 dana.

Realizacija: Navedeni Zaključak dostavljen je Odjeljenju za pravne poslove i isti je realizovan i dostavljen Upravnom odboru na razmatranje.

Informaciju sačinila:

Senka Zukić, Stručni saradnik za pravne poslove




DIREKTOR

Nermin Pećanac, dipl.pravnik

Sarajevo, Doke Mazalića 3,
web-stranica: www.szks.ba; e-mail adresa: info@szks.ba
Tel/++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun





Broj: 09/1- 3805 -UO/19
Sarajevo, 12.11.2019. godine

Na osnovu člana 16. Statuta Javne ustanove „Služba za zapošljavanje Kantona Sarajevo“ Sarajevo (br: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), Upravni odbor Javne ustanove „Služba za zapošljavanje Kantona Sarajevo“ Sarajevo je na sedmoj redovnoj sjednici održanoj dana **11.11.2019.** godine donio

ZAKLJUČAK

Nalaže se Odjeljenju za pravne poslove da sačine Nacrt Programa rada Javne ustanove „Služba za zapošljavanje Kantona Sarajevo“ Sarajevo za 2020. godinu koji će biti usklađen sa Očitovanjem Javne ustanove „Služba za zapošljavanje Kantona Sarajevo“ Sarajevo, broj: 01/01-34-2769-2/19 od 31.10.2019. godine.

**PREDSJEDNIK
UPRAVNOG ODBORA**

Edin Hodžić





Broj: 09/1-3432-1-UO/19
Sarajevo, 12.11.2019. godine

Na osnovu člana 16. Statuta Javne ustanove "Služba za zapošljavanje Kantona Sarajevo" Sarajevo, (broj: 05/1-3306/08, od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine, 05/1-0867/2016 od 27.06.2016. godine), Upravni odbor Javne ustanove "Služba za zapošljavanje Kantona Sarajevo" Sarajevo je na 7. redovnoj sjednici, održanoj 11. 11. 2019. godine, donio

ODLUKU
o donošenju Pravilnika o blagajničkom poslovanju Javne ustanove „Služba za
zapošljavanje Kantona Sarajevo“ Sarajevo

I

Donosi se Pravilnik o blagajničkom poslovanju Javne ustanove „Služba za zapošljavanje Kantona Sarajevo“ Sarajevo.

II

Ova Odluka stupa na snagu danom donošenja.

PREDSJEDNIK
UPRAVNOG ODBORA

Edin Hodžić



U skladu sa članom 11. i 13. Zakona o računovodstvu i reviziji u Federaciji BiH („Službene novine Federacije BiH“, broj 83/09), članom 1. Uredbe o uslovima i plaćanju gotovim novcem („Službene novine Federacije BiH“, broj 72/15 i 82/15), članom 2. Pravilnika o knjigovodstvu budžeta (Službene novine Federacije BiH broj 60/14), poglavlja III stav 1. tačka 14. Smjernica za uspostavu i jačanje interne kontrole kod budžetskih korisnika (Službene novine Federacije BiH“, broj 19/05) i članom 16. Statuta Javne ustanove „Služba za zapošljavanje Kantona Sarajevo“ Sarajevo (br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012.godine i 05/1-0867/2016 od 27.06.2016. godine), Upravni odbor na 7 redovnoj sjednici održanoj dana 11.11.2019. godine donio je

PRAVILNIK O BLAGAJNIČKOM POSLOVANJU

I OPĆE ODREDBE

Član 1.

Ovim pravilnikom uređuje se:

- a) organizacija blagajničkog poslovanja,
- b) prijem u blagajnu i isplata gotovog novca iz blagajne.
- c) poslovne knjige i dokumentacija u blagajničkom poslovanju i
- d) kontrola blagajničkog poslovanja.

II EVIDENCIJE I ODGOVORNOST ZA BLAGAJNIČKO POSLOVANJE

Član 2.

U Službi se vodi jedna - glavna blagajna u konvertibilnim markama.

Član 3.

Blagajničko poslovanje se evidentira preko:

- a) naloga za naplatu,
- b) naloga za isplatu i
- c) dnevnika blagajničkog poslovanja.

Blagajničko poslovanje se evidentira ručno/i ili elektronski.

- a) Kada se blagajničko poslovanje vodi elektronskim putem, dnevnik blagajne, nalog za naplatu i nalog za isplatu moraju imati propisanu formu u skladu sa zakonskim i podzakonskim propisima.
- b) Dnevnik blagajne zaključuje se na kraju svakog radnog dana, kompletira sa priložima na osnovu kojeg su knjižene promjene i potpisuje se od strane blagajnika, osobe zadužene za kontrolu rada blagajne, osobe koja odobrava isplatu, primaoca i osobe koja knjiži blagajnu.
- c) Blagajnički dokumenti koji dokazuju novčane poslovne događaje ne smiju se prepravljati. U slučaju potrebe za izmjenom isti se poništavaju i sastavlja se novi dokument.
- d) Utvrđivanje stvarnog stanja blagajne vrši se na kraju svakog radnog dana.
- e) Blagajnik je odgovoran za uplate, isplate stanje gotovine u blagajni i vođenje propisanih evidencija.

III NAPLATE I ISPLATE U BLAGAJNI

Član 4.

Sve naplate i isplate preko blagajne vrše se samo na osnovu prethodno izdatog dokumenta kojim se odobrava ili nalaže isplata, odnosno uplata (račun, nalog ili drugi relevant dokument).

Član 5.

U glavnoj blagajni se evidentiraju sljedeće uplate i isplate:

- a) podignuta gotovina sa transakcijskog računa,
- b) isplata akontacije putnih troškova i dnevnica za službena putovanja u zemlji i inostranstvu,
- c) povrat više naplaćenih akontacija za službena putovanja u zemlji i inostranstvu,
- d) plaćanje roba i usluga prema drugom poslovnom subjektu, ako njihov pojedinačni iznos ne prelazi 200,00 KM.

IV BLAGAJNIČKI MAKSIMUM

Član 6.

- a) U blagajni se može držati gotov novac do iznosa utvrđenog blagajničkim maksimumom i isti koristiti u skladu sa namjenama iz člana 5. ovog pravilnika.
- b) Visina blagajničkog maksimuma se utvrđuje Odlukom o blagajničkom maksimumu na osnovu prosječnih dnevnih isplata iz blagajne u prethodnom mjesecu kao i drugih uslova koji su od uticaja za potrebu držanja gotovog novca u blagajni.
- c) U blagajnički maksimum ne ulazi gotov novac podignut sa računa kod ovlaštene organizacije za namjene iz člana 5. ovog pravilnika, pod uslovom da se ovaj novac isplati istog ili narednog dana od njegovog podizanja.

V OSTALE ODREDBE

Član 7.


Strana valuta iskazuje se po vrstama i po vrijednosti utvrđenoj na bazi srednjeg kursa Centralne banke objavljenog na dan koji je naveden na priloženoj dokumentaciji polaska na službeno putovanje.

Član 8.

Ovaj pravilnik stupa na snagu i primjenjuje se danom donošenja.

Broj: 09/1-342-110/19
Sarajevo, 12.11.2019.g.





Broj: 09/1-3793 -UO/19
Sarajevo, 12.11.2019. godine

Na osnovu člana 16. Statuta Javne ustanove „Služba za zapošljavanje Kantona Sarajevo“ Sarajevo (br: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine), Upravni odbor Javne ustanove „Služba za zapošljavanje Kantona Sarajevo“ Sarajevo je na 7. redovnoj sjednici održanoj dana **11.11.2019.** godine donio


ZAKLJUČAK

I

Prihvata se Prijedlog izmjenjene Liste poslodavaca koji ispunjavaju uslove za učešće u Programu sufinansiranja zapošljavanja pripravnik VSS i VŠS po Javnom pozivu od 11.02.2019. godine i sredstvima iz Programa mjera za podsticaj zapošljavanja i održavanja više stope zaposlenosti u Kantonu Sarajevo u 2018. godini.

II

Predlaže se Vladi Kantona Sarajevo da usvoji listu iz tačke I ovog Zaključka.


**PREDSJEDNIK
UPRAVNOG ODBORA**

Edin Hodžić